



Nestlé

Good food, Good life

TERMA DAN SYARAT

A. Jadual bagi Syarat Penyertaan

1. <u>Penganjur:</u>	Nestlé Products Sdn. Bhd. (197901000966).
2. <u>Promosi:</u>	PERADUAN LOTUS'S BELI & MENANG DENGAN NESTLÉ MILO & NESCAFÉ 2024
3. <u>Tempoh Promosi:</u>	Promosi bermula jam 00:00:00 pada 25/07/2024 dan ditutup jam 23:59:59 pada 04/09/2024.
4. <u>Kelayakan:</u>	Promosi ini dibuka kepada semua individu penduduk Malaysia berumur 18 tahun dan ke atas yang sah pada permulaan Tempoh Promosi, dan dengan dokumen pengenalan yang sah dan beralamat rumah di Malaysia. Penganjur berhak untuk meminta bukti dokumen pengenalan.
5. <u>Produk Turut Serta:</u>	Untuk senarai produk MILO dan NESCAFÉ turut serta ("Produk"), sila lawati Laman Web: https://www.dearnestle.com.my/brands .
6. <u>Kaedah Penyertaan:</u>	<p>a. Untuk mengambil bahagian dalam Promosi, beli minima Ringgit Malaysia Lapan Belas (RM18) ("Pembelian Minima") mana-mana campuran Produk MILO dan/atau NESCAFÉ dalam satu resit asal dari mana-mana outlet dalam kedai LOTUS'S ("Resit") dan/atau invois dan/atau tangkapan skrin pesanan daripada Laman Web di dalam talian LOTUS'S ("Invois") semasa Tempoh Promosi.</p> <p>b. <u>Resit Outlet di dalam kedai:</u></p> <p>i. Resit boleh didapati berupa resit bercetak dari sistem <i>point-of-sale</i>. Resit mesti mengandungi nama dan/atau logo outlet di mana pembelian dibuat. Sekiranya ini tidak tertera, Resit perlu dicap dengan cap rasmi syarikat outlet di mana pembelian dibuat.</p> <p>ii. Resit juga mesti mengandungi tarikh pembelian, Produk yang dibeli, jumlah pembelian Produk, nombor Resit dan nama dan/atau logo outlet ("Butiran Resit").</p> <p>c. <u>Invois Dalam Talian LOTUS'S:</u></p> <p>i. Invois boleh didapati berupa tangkapan skrin invois dan/atau pesanan untuk pembelian dalam talian daripada Laman Web dalam talian LOTUS'S. Invois mesti mengandungi nama dan/atau logo Laman Web dalam talian LOTUS'S di mana pembelian dalam talian dibuat. Untuk pembelian dalam talian dengan kod promosi dan/atau rebat dan/atau baucar diskaun dan/atau</p>

	<p>baucar penghantaran dan/atau lain-lain diskaun, <u>jumlah pembayaran akhir Produk</u> mestilah jumlah Pembelian Minima dan ke atas untuk layak.</p> <p>ii. Invois juga mesti mengandungi tarikh pembelian, Produk yang dibeli, jumlah pembelian, nombor pesanan dan/atau invois, dan nama dan/atau Laman Web dalam talian LOTUS'S ("Butiran Invois").</p> <p>d. Penganjur akan memperuntukkan nombor bersiri mengikut jumlah pembelian seperti yang dinyatakan dalam Resit yang diserahkan. Bagi setiap Ringgit Malaysia Lapan Belas (RM18), Penganjur akan memperuntukkan satu (1) nombor bersiri maksima sehingga tiga (3) nombor bersiri. Sebarang jumlah baki akan dibatalkan sebaik sahaja nombor bersiri maksima bagi setiap Resit telah diperuntukkan. Sila rujuk contoh di bawah.</p> <p><u>Contoh:</u></p> <ul style="list-style-type: none"> - Jika anda membeli Produk berjumlah RM18.50 dalam satu Resit semasa Tempoh Promosi, Penganjur akan memperuntukkan satu (1) nombor bersiri. - Jika anda membeli Produk berjumlah RM94.50 dalam satu Resit semasa Tempoh Promosi, Penganjur akan memperuntukkan maksima tiga (3) nombor bersiri sahaja. <p>e. Kaedah penyerahan Peraduan adalah melalui Laman Web sahaja. Semua kaedah penyerahan lain akan dibatalkan. Peserta boleh menghantar seberapa banyak Bukti Pembelian yang mereka inginkan tetapi setiap Bukti Pembelian HANYA layak untuk satu (1) penyerahan penyertaan Laman Web.</p> <p>f. Penganjur berhak untuk membatalkan kelayakan mana-mana Resit yang tidak boleh dibaca, dengan butiran yang tidak lengkap, dicetak semula, berulang, tidak jelas, rosak, diubah dan/atau diubah suai dalam apa jua cara tanpa notis lanjut kepada Peserta. Untuk mengelakkan keraguan, Penganjur juga boleh, tanpa notis lanjut kepada Peserta, membatalkan kelayakan mana-mana Resit jika Penganjur mengesyaki bahawa Peserta menyerahkan Resit yang dihasilkan sendiri, dipalsukan atau dikeluarkan ke atas Produk yang belum dibeli.</p> <p>g. <u>Penyerahan Penyertaan Melalui Laman Web Promosi:</u></p> <ul style="list-style-type: none"> i. Layari Laman Web Promosi: https://nestlemalaysia.qualifioapp.com/quiz/1446559_2862//peraduan-nestlexlotus-beli&menang-milo-nescafe.html atau imbas kod QR yang ditunjukkan pada bahan komunikasi di Outlet yang turut serta. ii. Isikan semua butiran peribadi yang diperlukan termasuk nombor mudah alih berdaftar di Malaysia yang serasi dengan WhatsApp untuk komunikasi selanjutnya ("Butiran Peribadi"). iii. Tangkap satu (1) gambar/imej <u>yang jelas dan boleh dibaca</u> dalam format jpg atau jpeg atau png Bukti Pembelian lengkap dengan butiran Bukti Pembelian yang diperlukan ("Imej"). iv. Satu (1) Imej mesti mengandungi gambar satu (1) Bukti Pembelian sahaja dan fail Imej mestilah kurang daripada 5MB.
--	--

	<ul style="list-style-type: none"> v. Muat naik Imej pada borang web dan hantar ("Penyertaan"). vi. Anda akan menerima laporan perakuan penerimaan penyertaan untuk setiap Penyertaan yang berjaya dihantar. <p>h. Penganjur akan mengekstrak semua Penyertaan yang diterima untuk pemrosesan, pengesahan dan kelayakan selanjutnya. Penganjur berhak untuk membatalkan mana-mana Penyertaan dengan Butiran Peribadi yang tidak lengkap atau tidak sepadan, Imej yang tidak jelas dan/atau tidak boleh dibaca dan/atau pendua dan/atau mengandungi lebih daripada satu (1) Resit. Semua Penyertaan akan disemak untuk pendua berdasarkan nama penuh Peserta, nombor pengenalan dan nombor mudah alih yang diserahkan. Semua Penyertaan yang tidak memenuhi syarat yang dinyatakan di sini akan dibatalkan kelayakan oleh Penganjur tanpa notis lanjut kepada Peserta.</p> <p>i. Penganjur berhak untuk meminta Bukti Pembelian asal (salinan cetak) sebagai bukti untuk pengesahan dan penebusan hadiah. Kegagalan untuk mengemukakan salinan cetak Bukti Pembelian asal apabila diminta akan mengakibatkan pembatalan dan pelucutan.</p>						
<p>7. <u>Tarikh Tutup Penyertaan:</u></p>	<p>Semua Penyertaan mesti diterima oleh Penganjur pada atau sebelum jam 23:59:59 pada 04/09/2024. Semua Penyertaan yang diterima di luar Tempoh Promosi yang berkenaan akan dibatalkan secara automatik.</p>						
<p>8. <u>Hadiah Mingguan</u></p>	<ul style="list-style-type: none"> a. Terdapat sejumlah dua puluh empat (24) Hadiah Mingguan untuk dimenangi setiap minggu selama enam (6) minggu berturut-turut. Hadiah Mingguan adalah seperti di bawah: <ul style="list-style-type: none"> i. Empat (4) Hadiah Pertama berupa satu (1) Peralatan Elektrik pilihan anda dalam bentuk Baucar Tunai bernilai RM1500. Sebarang yuran tambahan dan/atau fi rampaian, kos dan/atau perbelanjaan yang akan ditanggung berkaitan dengan penggunaan dan/atau penyelenggaraan Hadiah Pertama hendaklah ditanggung sepenuhnya oleh dan adalah tanggungjawab sepenuhnya Pemenang Hadiah Pertama. ii. Dua Puluh (20) Hadiah Sagu Hati berupa satu (1) Baucar LOTUS'S bernilai RM200 setiap satu. b. Terdapat sejumlah satu empat puluh empat (144) Hadiah Mingguan untuk dimenangi pada akhir Tempoh Promosi. c. Kumpulan Penyertaan adalah berdasarkan tarikh penerimaan dan enam (6) tempoh mingguan adalah seperti di bawah: <table style="width: 100%; border: none;"> <tr> <td style="width: 50%;">Minggu 1: 25/07/2024 – 31/07/2024</td> <td style="width: 50%;">Minggu 2: 01/08/2024 – 07/08/2024</td> </tr> <tr> <td>Minggu 3: 08/08/2024 – 14/08/2024</td> <td>Minggu 4: 15/08/2024 – 21/08/2024</td> </tr> <tr> <td>Minggu 5: 22/08/2024 – 28/08/2024</td> <td>Minggu 6: 29/08/2024 – 04/09/2024</td> </tr> </table> 	Minggu 1: 25/07/2024 – 31/07/2024	Minggu 2: 01/08/2024 – 07/08/2024	Minggu 3: 08/08/2024 – 14/08/2024	Minggu 4: 15/08/2024 – 21/08/2024	Minggu 5: 22/08/2024 – 28/08/2024	Minggu 6: 29/08/2024 – 04/09/2024
Minggu 1: 25/07/2024 – 31/07/2024	Minggu 2: 01/08/2024 – 07/08/2024						
Minggu 3: 08/08/2024 – 14/08/2024	Minggu 4: 15/08/2024 – 21/08/2024						
Minggu 5: 22/08/2024 – 28/08/2024	Minggu 6: 29/08/2024 – 04/09/2024						

<p>9. <u>Maklumat Pengadilan – Hadiah Mingguan:</u></p>	<p>a. Sebagai sebahagian daripada proses pemilihan Finalis Hadiah Mingguan, Penganjur akan susun kira dan memperuntukkan nombor bersiri bagi setiap Penyertaan yang diterima dan diluluskan oleh Penganjur sebagai yang berjaya setiap minggu, mengikut Produk yang dibeli seperti yang dinyatakan dalam Bukti Pembelian yang dikemukakan (setiap satu dan secara kolektif “Penyertaan Layak”). Satu set nombor bersiri akan diperuntukkan bagi Penyertaan Layak bermula dengan nombor bersiri “1”.</p> <p>b. Setiap minggu nombor bersiri yang diperuntukkan kepada setiap Penyertaan Layak akan disusun kira dan dicampurkan untuk mendapatkan jumlah bilangan Penyertaan Layak (“Jumlah Penyertaan Layak Mingguan”). Andainya Jumlah Penyertaan Layak bagi hari tersebut ialah 1805, Penganjur akan mengira dan memilih berdasarkan yang berikut:</p> <p>i. Pemilihan empat (4) Finalis Hadiah Pertama: $1805 \div 4 = 451.25$. Oleh sebab pembahagian 1805 dengan 4 akan menghasilkan nombor dengan nilai perpuluhan, nombor 451.25 akan dibundarkan ke bawah kepada 451. 4 Peserta dengan Penyertaan Layak minggu tersebut yang diberikan nombor bersiri berikut akan dipilih: 451*, 902*, 1353* dan 1804. (*contoh pengiraan: <u>451</u>, $451+451=902$, $902+451=1353$).</p> <p>ii. Pemilihan dua puluh (20) Finalis Hadiah Sagu Hati: $1805 \div 20 = 90.25$. Oleh sebab pembahagian 1805 dengan 20 akan menghasilkan nombor dengan nilai perpuluhan, nombor 90.25 akan dibundarkan ke bawah kepada 90. 20 Peserta dengan Penyertaan Layak minggu tersebut yang diberikan nombor bersiri berikut akan dipilih: 90*, 180*, 270*, 360, 450 dan seterusnya (*contoh pengiraan: <u>90</u>, $90+90=180$, $180+90=270$).</p>
<p>10. <u>Hadiah Utama:</u></p>	<p>a. Terdapat dua (2) Hadiah Utama berupa satu (1) Baucar Pelancongan bernilai RM10,000 setiap satu untuk 1 ATAU 2 orang, untuk dimenangi sepanjang Tempoh Promosi.</p> <p>b. Pemenang berhak untuk mencipta bentuk jadual perjalanan mereka sendiri, termasuk memilih destinasi dan pakej percutian, melalui vendor yang dilantik. Sekiranya jumlah kos destinasi dan/atau pakej percutian yang dipilih melebihi jumlah Baucar Pelancongan sebanyak RM10,000, pemenang akan bertanggungjawab sepenuhnya untuk menampung sebarang perbelanjaan tambahan. Urusan perjalanan mesti diselesaikan dalam tempoh <u>enam (6) bulan dari tarikh pengeluaran Baucar Pelancongan</u>, dan <u>perjalanan mesti berlaku dalam tempoh satu (1) tahun dari tarikh pengeluaran</u>.</p> <p>c. Pemenang dikehendaki mematuhi terma dan syarat yang ditetapkan oleh pihak dan vendor yang bertanggungjawab untuk mengatur dan/atau menyediakan Hadiah Utama Baucar Pelancongan.</p>
<p>11. <u>Maklumat Pengadilan – Hadiah Utama:</u></p>	<p>a. Sebagai sebahagian daripada proses pemilihan Finalis Hadiah Utama, Penganjur akan memperuntukkan nombor bersiri bagi setiap Penyertaan yang diterima dan diluluskan oleh Penganjur sebagai yang berjaya sepanjang Tempoh Promosi</p>

	<p>berdasarkan Bukti Pembelian yang dikemukakan (setiap satu dan secara kolektif “Penyertaan Layak”). Satu set nombor bersiri akan diperuntukkan bagi Penyertaan Layak bermula dengan nombor bersiri “1”.</p> <p>b. Nombor bersiri yang diperuntukkan kepada setiap Penyertaan Layak akan disusun kira dan dicampurkan untuk mendapatkan jumlah bilangan Penyertaan Layak (“Jumlah Penyertaan Layak”). Andainya Jumlah Penyertaan Layak sepanjang Tempoh Promosi ialah 50001, Penganjur akan mengira dan memilih berdasarkan cara berikut:</p> <p>i. Pemilihan dua (2) Finalis Hadiah Utama: $50001 \div 2 = 25000.50$. Oleh sebab pembahagian 50001 dengan 2 akan menghasilkan nombor dengan nilai perpuluhan, nombor 25000.50 akan dibundarkan ke bawah kepada 25000. 2 Peserta dengan Penyertaan Layak sepanjang Tempoh Promosi yang diberikan nombor bersiri 25000* dan 50000* akan dipilih. (*contoh pengiraan: <u>25000</u>, $25000+25000=50000$).</p>
<p>12. <u>Terma</u> <u>Tambahan:</u></p>	<p>a. Penganjur akan menghubungi semua Finalis melalui WhatsApp dari 6018 388 3346 ke nombor mudah alih yang diterima oleh Penganjur dalam Penyertaan Layak. Setiap Finalis terpilih akan diberikan satu (1) soalan untuk dijawab. Finalis terpilih perlu menjawab soalan yang dikemukakan oleh Penganjur dengan betul untuk memenangi Hadiah. Kegagalan untuk menjawab dengan betul dan/atau kegagalan untuk menjawab soalan yang diberikan oleh Penganjur dalam masa yang dinyatakan akan mengakibatkan pembatalan Hadiah. Penganjur tidak bertanggungjawab sekiranya Finalis terpilih tidak boleh dihubungi atas apa jua sebab.</p> <p>b. Setiap peserta hanya boleh memenangi di sepanjang Tempoh Promosi:</p> <p>i. satu (1) Hadiab Utama dan</p> <p>ii. satu (1) Hadiah Mingguan dengan nilai tertinggi sahaja</p> <p>c. Semua Pemenang mesti memberikan butiran peribadi mereka yang diperlukan kepada Penganjur untuk pemenuhan hadiah, tanpanya Penganjur mungkin tidak dapat memenuhi hadiah tersebut. Penganjur berhak untuk membatalkan Hadiah mereka jika Pemenang gagal memberikan butiran penuh mereka atas permintaan. Penganjur berhak untuk membatalkan sebarang Penyertaan atau Hadiah jika butiran peribadi Peserta atau Pemenang (termasuk nama penuh, nombor pengenalan dan nombor mudah alih) didapati tidak tepat atau salah pada bila-bila masa.</p> <p>d. Semua Hadiah Pertama Mingguan akan dihantar melalui kurier ke alamat yang diterima Penganjur dalam Penyertaan Layak dalam tempoh enam (6) hingga lapan (8) minggu dari tarikh tutup Promosi.</p>

	<p>e. Semua Pemenang Hadiah Sagu Hati Mingguan akan menerima e-Baucar LOTUS'S mereka melalui nombor mudah alih yang diterima Penganjur dalam Penyertaan Layak dalam tempoh enam (6) hingga lapan (8) minggu dari tarikh tutup Promosi.</p> <p>f. Semua Pemenang Hadiah Utama akan dihubungi oleh vendor yang dilantik dalam tempoh enam (6) hingga lapan (8) minggu dari tarikh tutup Promosi. Semua Pemenang Hadiah Utama mungkin perlu menghadiri Majlis Penyampaian Hadiah, jika ada. Penganjur akan memberitahu Pemenang Hadiah Utama mengenai butiran Majlis Penyampaian Hadiah. Sebarang bayaran tambahan dan/atau fi rampaian, kos dan/atau perbelanjaan yang akan ditanggung berkaitan dengan penggunaan dan/atau penyelenggaraan Hadiah hendaklah ditanggung sepenuhnya oleh dan adalah tanggungjawab sepenuhnya Pemenang Hadiah Utama.</p> <p>g. Semua Hadiah yang tidak dituntut selepas tarikh tutup yang ditetapkan oleh Penganjur dalam pemberitahuan pemenang untuk pengambilan hadiah akan dibatalkan. Penganjur berhak untuk menggantikan mana-mana hadiah dengan alternatif lain atau yang sama nilainya atau lebih besar.</p> <p>h. Semua Pemenang mesti mematuhi terma dan syarat pihak yang mengatur dan/atau menyediakan Hadiah serta terma dan syarat yang disertakan, jika ada.</p> <p>i. Pengumuman Pemenang akan dipaparkan secara berkala di laman web Penganjur: https://www.dearnestle.com.my/peraduan-nestlexlotus-beli&menang-milo-nescafe sepanjang Tempoh Promosi.</p>
--	--

Jadual bagi Syarat Penyertaan ini mesti dibaca bersama dengan Syarat Penyertaan dan Notis Privasi yang boleh didapati di: <https://www.dearnestle.com.my/peraduan-nestlexlotus-beli&menang-milo-nescafe> , secara kolektif dinamakan "Terma dan Syarat", yang akan mengikat semua peserta (dan ibu bapa/penjaga sah peserta, dalam kes peserta di bawah umur) yang menyertai Promosi ini (selepas ini dirujuk sebagai "Peserta", "Anda").

B: Syarat-syarat Penyertaan

1. Pengenalan

- 1.1 Syarat-syarat Penyertaan ini mesti dibaca bersama dengan Jadual Syarat Penyertaan. Jika terdapat sebarang percanggahan antara Syarat-syarat Penyertaan dan Jadual Syarat Penyertaan, Jadual Syarat Penyertaan hendaklah diguna pakai. Syarat-syarat Penyertaan dan Jadual Syarat Penyertaan secara kolektif akan dirujuk sebagai "Terma dan Syarat". Setiap terma yang berhuruf besar jika tidak dinyatakan selainnya di dalam ini hendaklah mempunyai maksud yang ditakrifkan untuk terma sedemikian dalam Jadual Syarat Penyertaan. Terma yang ditakrifkan boleh digunakan untuk bentuk mufrad dan jamak mengikut keadaan.

- 1.2 Penganjur berhak mengikut budi bicara, tanpa memberi notis terlebih dahulu, dan tanpa menanggung sebarang liabiliti terhadap sesiapa, pada bila-bila masa untuk mengubah Terma dan Syarat termasuk mengubah Tempoh Peraduan, membuat penggantian Hadiah, membatalkan, menamatkan atau menggantung Peraduan secara keseluruhan atau sebahagiannya. Sekiranya terdapat sebarang perubahan kepada Terma dan Syarat, Peserta bersetuju bahawa Penyertaan berterusan mereka dalam Peraduan akan menandakan penerimaan mereka terhadap Terma dan Syarat (sebagaimana yang diubah).
- 1.3 Keputusan Penganjur dalam semua perkara yang berkaitan dengan Peraduan termasuk pengadilan dan pemilihan pemenang adalah muktamad, mengikat dan konklusif pada semua Peserta, dan tidak boleh dipertikaikan oleh semua Peserta. Sebarang surat menyurat atau rayuan berkaitan pengadilan dan pemilihan pemenang tidak akan dilayan.

2. Penyertaan Peraduan

- 2.1 Dengan mengemukakan penyertaan untuk Peraduan ini, Peserta dianggap sudah memahami dan bersetuju untuk terikat dengan Terma dan Syarat ini.
- 2.2 Semua kos dan perbelanjaan yang ditanggung dan/atau timbul daripada penyertaan dalam Peraduan ini, termasuk tetapi tidak terhad kepada caj telekomunikasi, rangkaian, Khidmat Pesanan Ringkas, pos dan semua caj lain sedemikian dan perbelanjaan sendiri yang mungkin dibelanjakan semasa atau berhubung dengan Peraduan ini hendaklah ditanggung oleh Peserta.
- 2.3 Bukti penghantaran penyertaan bukanlah bukti penerimaan, dan Penganjur tidak boleh dipertanggungjawabkan terhadap sebarang penyertaan yang lewat, hilang, rosak dan/atau bukti penerimaan yang tidak diterima. Penganjur tidak akan bertanggungjawab terhadap sebarang kesilapan, ketinggalan, gangguan, pemadaman, kerosakan, kelewatan operasi atau penghantaran, kegagalan talian komunikasi, kecurian atau kemusnahan, capaian tanpa izin, atau pengubahsuaian komunikasi pengguna atau ahli, atau sebarang masalah atau gangguan teknikal terhadap sebarang rangkaian atau talian telekomunikasi, sistem komputer dalam talian, pelayan atau penyedia perkhidmatan, peralatan komputer, sistem perisian, kegagalan e-mel atau pemain akibat masalah teknikal atau kesesakan lalu lintas di Internet.

3. Kelayakan

- 3.1 Sepertimana yang dinyatakan dalam Jadual Syarat Penyertaan, sekiranya Peserta berumur di bawah lapan belas (18) tahun, Peserta dikehendaki mendapatkan kebenaran bertulis (dalam bentuk yang akan ditentukan oleh Penganjur), daripada ibu bapa/penjaga sah mereka sebelum menyertai Peraduan ini dan mengemukakan sebarang maklumat peribadi.
- 3.2 Penganjur boleh meminta Peserta untuk memberikan bukti kelayakan untuk menyertai Peraduan ini termasuk tetapi tidak terhad kepada dokumen pengenalan, dan kebenaran bertulis ibu bapa/penjaga sah untuk Peserta di bawah umur lapan belas (18) tahun.

4. Ketidaklayakan

Kumpulan orang yang dinyatakan di bawah tidak layak untuk menyertai Peraduan ini:

- (a) Kakitangan Penganjur dan syarikat-syarikat dalam kumpulannya dan ahli keluarga terdekat mereka (suami isteri, anak, ibu bapa, adik-beradik dan suami isteri adik beradik mereka); dan
- (b) Kakitangan agensi Penganjur yang berkaitan dengan Peraduan ini dan ahli keluarga terdekat mereka (suami isteri, anak, ibu bapa, adik-beradik dan suami isteri adik beradik mereka).

5. Perlucutan Kelayakan

5.1 Penyertaan berikut akan dilucutkan kelayakannya:

- (a) penyertaan yang tidak jelas, tidak lengkap, berulang, salinan, tidak boleh dibaca atau tidak betul; dan/atau
- (b) penyertaan yang melanggar Terma dan Syarat, mana-mana undang-undang dan/atau peraturan yang berkuat kuasa.

5.2 Selain itu, Penganjur berhak untuk melucutkan kelayakan mana-mana Peserta yang:

- (a) menjejaskan, telah atau cuba menjejaskan perjalanan Peraduan dengan pemalsuan, atau penipuan; dan/atau
- (b) tidak layak atau tidak dapat mengemukakan bukti kelayakan untuk menyertai Peraduan ini untuk pengesahan Penganjur apabila diminta.

5.3 Sekiranya perlucutan kelayakan berlaku selepas Hadiah diberikan, Penganjur berhak untuk menuntut pemulangan Hadiah atau bayaran nilainya daripada Peserta yang dilucutkan kelayakannya.

6. Hadiah

6.1 Penganjur, ejen, penaja dan wakilnya tidak bertanggungjawab terhadap mana-mana Peserta yang gagal menuntut Hadiah menurut ketetapan Tuntutan Hadiah/Tarikh Penghantaran dalam apa keadaan sekalipun. Penganjur berhak menentukan pengurusan Hadiah yang tidak dituntut.

6.2 Hadiah sama sekali tidak boleh dipindah milik, diserahkan hak, ditukar atau ditebus oleh Peserta dalam apa-apa bentuk lain atau cara lain daripada yang ditetapkan oleh Penganjur.

6.3 Sebarang kos tambahan yang tidak dinyatakan secara khusus dalam Jadual Syarat Penyertaan berkaitan Hadiah hendaklah ditanggung oleh Pemenang.

6.4 Semua Hadiah mesti diambil menurut terma dan syarat Penganjur, ejennya, penaja atau pihak ketiga yang menyediakan Hadiah.

(a) **Tiket Acara:**

Penganjur tidak bertanggungjawab terhadap sebarang pembatalan atau penjadualan semula yang boleh menghalang penunaian Hadiah. Tiket hanya boleh digunakan pada tarikh yang dinyatakan pada tiket.

(b) **Hadiah Pelancongan/Percutian:**

Jika pelancongan ditawarkan sebagai Hadiah, penerbangan dan penginapan adalah tertakluk kepada ketersediaan pada masa tempahan. Hadiah mesti dituntut menurut tarikh dan destinasi yang ditetapkan oleh Penganjur, ejennya atau penaja. Wang untuk perbelanjaan tambahan, makanan, cukai, pasport yang sah, visa, pengangkutan pergi & balik dari tempat berlepas dan perjalanan tambahan, insurans & semua kos sampingan lain yang tidak dinyatakan secara khusus dalam Jadual Syarat Penyertaan adalah tanggungjawab Pemenang.

- 6.5 Hadiah diberikan berasaskan “keadaan seperti sedia ada”. Hadiah hendaklah digunakan/diambil sepenuhnya atas risiko Peserta dan Penganjur sama sekali tidak memberi sebarang jaminan mahupun menanggung sebarang liabiliti berhubung dengan Hadiah setakat yang dibenarkan undang-undang.
- 6.6 Hadiah hendaklah dituntut sendiri melainkan Penganjur menetapkan cara lain untuk tuntutan.
- 6.7 Di mana seorang Peserta masih di bawah umur lapan belas (18) tahun dan diumumkan sebagai pemenang Hadiah, Peserta mesti ditemani oleh ibu bapa/penjaga sah mereka sepanjang upacara penyampaian Hadiah.

7. Publisiti

Penganjur boleh menggunakan penyertaan seorang Peserta termasuk tetapi tidak terhad kepada gambar, lukisan, teks, dan sebarang kandungan atau maklumat lain yang dikemukakan untuk tujuan Peraduan (secara kolektif dirujuk sebagai “Material”), dan nama Peserta, dan/atau persamaannya, untuk pengiklanan, publisiti dan Peraduan mana-mana barangan Penganjur, untuk tempoh tidak terhad di seluruh dunia tanpa pampasan, dan di mana-mana media. Peserta hendaklah melakukan segala perkara yang perlu untuk tujuan ini jika diminta oleh Penganjur.

8. Hak Milik Harta Intelekt

Peserta bersetuju bahawa segala hak milik harta intelek dalam sebarang kandungan dan/atau material yang dikemukakan, dibuat atau dicipta oleh Peserta berhubung dengan Peraduan ini dan sebarang hasil kerja terbitan yang timbul daripadanya akan secara kekal dan tanpa syarat menjadi hak, kepunyaan dan milik Penganjur. Penganjur berhak menggunakan dan mengubah suai material atau hasil kerja tersebut dalam apa cara sekalipun yang dianggap sesuai tanpa pampasan kepada Peserta dan Peserta menyetepikan segala haknya ke atas material atau hasil kerja tersebut.

9. Indemniti

Setiap Peserta bersetuju untuk melindungi, melepaskan dan tidak mempertanggungjawabkan Penganjur dan syarikat pegangan, subsidiari atau syarikat berkaitannya sebagaimana ditetapkan dalam Akta Syarikat 2016 (“Kumpulan Nestlé Malaysia”), para pengarah, pegawai, kakitangan, ejen, penaja dan/atau wakilnya daripada sebarang dan semua kerugian, hak, tuntutan, tindakan dan kerosakan (termasuk kerosakan khas, tidak langsung dan kerosakan berbangkit) yang timbul daripada atau ditanggung akibat penyertaan Peserta dalam Peraduan, penerimaan sebarang Hadiah, dan/atau penggunaan penyertaan Peserta dan/atau persamaannya berhubung dengan Peraduan ini atau pelanggaran Terma dan Syarat.

10. Had Liabiliti

- 10.1 Penyertaan Peserta dalam Peraduan ini adalah atas risiko Peserta sendiri.
- 10.2 Penganjur, Kumpulan Nestlé Malaysia, para pengarah, pegawai, kakitangan, ejen, penaja dan/atau wakilnya tidak boleh dipertanggungjawabkan ke atas mana-mana Peserta berhubung dengan sebarang kerugian atau kerosakan dan sebagainya yang ditanggung, termasuk tetapi tidak terhad kepada kerugian secara tidak langsung atau berlanjutan, atau untuk kecederaan peribadi yang ditanggung atau dialami oleh Peserta yang timbul daripada atau berhubung dengan penyertaan Peserta dalam Peraduan ini, dan juga penebusan dan/atau penggunaan sebarang Hadiah yang dimenangi.

11. Am

- 11.1 Penganjur, ejen, penaja dan/atau wakilnya tidak boleh dipertanggungjawabkan untuk menunaikan mana-mana kewajipan mereka berhubung dengan Peraduan dan Terma dan Syarat di mana mereka tidak dapat berbuat demikian disebabkan keadaan di luar kawalan mereka dan tidak boleh dipertanggungjawabkan untuk memberi pampasan kepada Peserta dalam apa cara sekalipun dalam keadaan sedemikian.
- 11.2 Sebarang nama, tanda perdagangan atau logo yang digunakan dan/atau diterbitkan semula dalam sebarang material (termasuk material pemasaran dan Peraduan) berhubung dengan Peraduan ini, khususnya yang berkaitan Hadiah, adalah hak milik pemilik masing-masing. Peraduan ini dan Penganjur tidak mempunyai pertalian dengan, atau mendapat pengesahan atau tajaan daripada pemilik berkenaan, melainkan dinyatakan sebaliknya, dan pemilik berkenaan bukanlah sebahagian daripada syarikat kumpulan Penganjur.
- 11.3 Peserta tidak berhak untuk menyerah mana-mana hak atau sub kontrak mana-mana kewajipan yang terkandung di sini. Penganjur berhak untuk menyerahkan atau melesenkan seluruh atau mana-mana bahagian haknya kepada mana-mana pihak ketiga sebagaimana yang boleh ditentukan oleh Penganjur.
- 11.4 Ketidaksahan, kesalahan dari segi undang-undang atau ketidakbolehan penguatkuasaan mana-mana Terma dan Syarat Peraduan ini tidak akan mempengaruhi atau menjejaskan kesinambungan pelaksanaan Terma dan Syarat Peraduan yang selainnya.
- 11.5 Di mana Terma dan Syarat Peraduan ini disediakan dalam bahasa Inggeris dan bahasa yang lain, sekiranya terdapat sebarang ketidakseragaman antara bahasa Inggeris dan bahasa lain, versi bahasa Inggeris hendaklah diguna pakai dan dikuatkuasa dalam semua hal.
- 11.6 Terma dan Syarat Peraduan ini hendaklah diertikan, ditadbir, dan ditafsirkan menurut undang-undang Malaysia.

12. Notis Privasi

- 12.1 Dengan menyertai Peraduan, Peserta bersetuju dengan pemprosesan Data Peribadi Peserta oleh Penganjur mengikut Notis Privasi di https://www.nestle.com.my/info/privacy_policy/privacy_bm.

12.2 By participating in the Promotion, the Participant agrees to the processing of the Participant's Personal Data by the Organizer in accordance with the Privacy Notice in https://www.nestle.com.my/info/privacy_notice.